



Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 17-93/a







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAGL 1.7.93/a

PROGRAMMA  
IN FUNERE

*VIRI SOLERTISSIMI ET PE-  
RITISSIMI*

DN. HENNINGI  
MÜLLERI

ACADEMIÆ IVLIÆ  
TYPOGRAPHI

P. P.




HELMESTADII

Typis HENRICI DAVIDIS MÜLLERI Acad. Typ.

CIO D C LXXV.









3

PRORECTOR  
ACADEMIÆ JULIÆ  
HENRICVS MEIBOMIVS  
MED. D. ET PROF. ORDIN.

*CIVIBVS ACADEMICIS*

S. D.



Uod hodie funus vobis indicimus, Cives,  
non alicujus est ex ordine docentium, nec ex nu-  
mero discentium, ejusmodi tamen viri, qui & his  
& illis sua dexteritate & industria laudabilem  
præstitit operam, & sine cujus Arte nostro seculo  
cum alii, tum illi inprimis, qui in Academiis vivunt, non putent  
se scopum suum attingere, & spem, quam Respublica de illis  
habet, implere posse. **TYPOGRAPHICAM** Artem di-  
co, de cujus Natalibus & primo Inventore multæ inter Histo-  
ricos agitantur controversiæ, pugnantes pro Harlemensibus  
Junio, Scriverio, Boxhornio, pro Moguntinis Serrario & Mal-  
lincrotio, pro Argentinenfibus Naudæo, Boeckero, Mentelio,  
qui ultimus suo gentili operosè asseruit nobile inve- tum, vir  
eruditissimus. Non est quidem hujus loci in illam rem inquir-  
ere, si tamen argumenta à præstantissimis Viris allata exami-  
nes, videtur Argentinenfibus deberi, & si quid Batavis, non  
nisi tenuia ejus rudimenta. Quicquid autem sit, suffecerit ad  
A 2 Patriæ



Patriæ nostræ laudem, in Germania (nam & Batavia Germaniæ pars est) natam esse Artem divinam & mechanicarum omnium facile principem. Fortassis autem non injuria pius aliquis, uti omnium Artium inventiones singularem aliquam divinam gratiam loquuntur, ita illud ipsum Natale Typographiæ tempus à cælesti providentia censuerit arcessendum. Annus agebatur supra millesimum quadringentesimum quadragesimus, & omnia occupaverat infauusta barbaries, litterarumque secreta nobiles pariter & ignobiles ignorabant. Erant quidem magnæ quædam animæ, meliora suspirantes, & præclara conaturæ: verum, cum sine optimorum librorum copia perfici res non posset, in quibus tamen describendis plerorumque tenues opes, & in re vulgo non æstimata ingratus labor deficeret, non nisi inter tenuia initia hærebat litterarum restauratio, & in ipsa herba suppressionem metuebat. At cælo missa Typographia, dum labores mirifice sublevavit, & paucis hætenus concessum omnibus quasi communem fecit litterarum usum, plus quàm quicquam aliud ad illarum propagationem contulit. Neque vero veterum tantum sapientia hoc medio iterum diffusa est, sed & si quis recentiorum aliquid Reip. utile & profuturum seculis observavit, disseminare statim per orbem terrarum facili compendio potuit. Res profecto mirabilis, mirabilior futura, si non adeo vulgari contigisset. Fuerunt idcirco Typographi inter initia non parvo in pretio, antequam novitatem exueret præstans inventum: & non tantum excelsissimi Principes animi causa Augustas manus suas nobili artificio aliquando commodarunt, quod de Henrico III. Ludovico XIII, Galliarum magnis Regibus, constat, ne de Marco Musuro, Jano Lascare ex Imperatoria Græcorum stirpe dicam; sed etiam inter primos Typographos Viros reperias generis claritate insignes, qui nobilitati suæ tenebras inducere non crediderunt illius Artis exercitium, qua nobilior ab orbe condito vix extitit, cuique



5  
cuique redivivum splendorem suum Patrum & nostra ætas de-  
bet. Nimis hyperbolica crederes, & tamen æterno operi suo  
non dubitavit ista de Roberto Stephano Parisiensi Typogra-  
pho Regio verba ad annum 1515 LIX. inferere Jacobus Au-  
gustus Thuanus, non belli minus, quàm pacis operum æquus  
æstimator & præco: *illi ob id non solum Gallia, sed universus  
Christianus Orbis plus debet, quam cuicumque fortissimorum belli Du-  
cum ob propagatos fines patria unquam debuit, majusq. ex ejus unius  
industria, quam ex tot præclarè bello & pace gestis ad Franciscum  
decus & nunquam interitura gloria redundavit.* Sed, cur ego rei  
ab omnibus laudatæ, & cujus maximus usus in aprico est, enco-  
mium scribo? ad MULLERUM nostrum potius, cujus  
caussa hæc adduxi, accedo. Quamvis enim non mereatur ille  
Manutiis, Stephanis, Frobeniis, Plantinis, Moretis, Raphelne-  
giis, vastæ eruditionis Viris, æquiparari, tamen ejus in Arte,  
quam profitebatur, singularis petiria, dexteritas, promptitu-  
do, curiositas, industria merentur ab omnibus, qui eum  
noverunt, laudari. Si alii splendidis suis & magnificis  
operibus, typisque non minus quam charta nitida magis se  
jactant, constat tamen, illos vel à propriis opibus vel magnatum  
favore subsidium habuisse: At MULLERUS noster suo tenui  
succo vivens suæ industriæ, quicquid promeruit laudis, debuit,  
nec minus tamen Græcis & Latinis elegantibus typis, si non va-  
sta admodum, utilia tamen, vulgavit opera: dumque per omnes  
eruditi orbis plagas Calixtorum, Hahniorum, Conringiorum  
scripta legentur, MULLERO sua laus non negabitur, interque  
*χαρίτων* Typographorum Emblemata, Frobenii Caduceum,  
Plantinianorum Circinum, Wechelianorum Pegasum, per docta  
virorum ora volitantia, MULLERI nostri LILIUM

*Se quoque Principibus permixtum agnoscet Archivis.*

Non igitur præter rem fecisse videbor, si in hac Academia, de cu-  
jus doctrina propaganda tam præclarè ille arte sua meritus est,



natales ejus & vitam ad memoriam posteritatis recenseam. Natus est in hac urbe, IV. Febr. mensis die, intra IV. & V. matutina, anno hujus seculi septimo, Patre itidem Typographo, matre ELISABETHA DONSIA, civis Wolffenbüttenensis filia. Ab his Parentibus Christiano more baptismatis sacris initiatus, deinde ad omnem pietatem ductus est, cumque prima litterarum fundamenta in schola publica didicisset, singulari ad paternam artem propensione illi se mancipavit, feliciterque progressus cum hinc, tum alibi in varijs Germaniæ locis, quod à Parente didicerat, non sine industriæ & fidei laude, exercuit. Rediit deinde domum, ut parentes senio confectos solaretur & ope sua sublevaret. Non posse tamen hoc commode fieri, nec artem quæ ministrorum plurium opera indigeret, exerceri, facile prospexit, nisi rem suam familiarem rectè prius ordinaret. Ideoque uxorem sibi legit ANNAM SOPHIAM, Viri plurimum reverendi & doctissimi DAVIDIS BOEKELII, Superintendentis Burchtorfensis meritissimi, filiam. Nobilior est BOEKELIORVM familia à plurimis jam seculis, quam ut ejus splendor paucis verbis hinc à me queat exponi: primis quidem conditoribus in Brabantia & Hollandia sedem suam habentibus, posteris verò eorum per Vandaliam & Saxoniam latè diffusis: nunquam non magnis in ea virtutis & eruditionis exemplis extantibus. Hoc stemmate oriunda fuit, ANNA SOPHIA, Patre DAVIDE Medico longè celeberrimo & Serenissimi Brunsvic. & Lynæburg. Ducis Proto-Chirurgo, matre REBECCA, JACOBI LVCII, primi in hac Academia & meritissimi Typographi, filia. Matrimonium cum illa iniiit MVLLERVS anno seculi hujus quadragesimo, quod divinæ benedictionis plenissimum, concors & sœcundum fuit, duobus adhuc filiis ex ea superstitis, qui patri exequias maestè parant, tertio mortuo



7  
tuo Hildesiae, cum Urbis illius Typographus ordinarius con-  
stitutus esset. Sed hæc tredecim annorum felicitas tantum  
fuit, quæ morte optimæ BOEKELIÆ temerata in gravissi-  
mos luctus viduum coniecit. Cumque res familiaris ejus  
sine curarum socia administrari non posset, de secundis nu-  
ptiis cogitavit, & ANNAM MARIAM, TOBIÆ CRVL-  
LII hujus Oppidi Consulis filiam, uxorem duxit, cum qua  
sterile quidem conjugium habuit, sed non minus facundum  
amore, mutua charitate & adjutorio, quod illi urgente se-  
necta & gravibus morbis tam fideliter præstitit, ut suæ qui-  
dem conscientiae satisfecerit, liberorum vero & cognatorum  
vota superaverit. Per decem enim integros annos cum alia  
incommoda sensit, tum vesicæ calculo graviter laboravit,  
adjutricis indigus quam maximè. Horrendo torture illo tan-  
dem fractus, cum laboribus continuis non sufficeret, quieti  
se dedit, filioque suo HENRICO DAVIDI Typographeum  
omne transcripsit, rectè prius constitutis ijs, quæ quomodo-  
cunque inter fratres lites excitare possent. Et ille quidem  
HENRICVS DAVID ab Inclita hac Academia, Patris me-  
rita æstimante, & de filio non minora sibi pollicente, Ordi-  
narius Typographus constitutus est, quo munere Parens  
HENNINGVS per triginta quinque annos functus & ita fun-  
ctus fuerat, ut ob industriam & fidem carus, amorem omni-  
um mereretur & favorem inveniret. Quod igitur sanus vege-  
tusque benè gesserat, id æger & senex deponere, quam non  
rectè gerere maluit: id quod prudentis & rerum suarum sata-  
gentis viri indicium est. Vitæ quoque integritate nemini con-  
cessit, pietati semper deditus, vicinis amicus & adjutor, co-  
gnatis tutor, pauperibus benefactor, bonus paterfamilias,  
optimus Pater. In ijs, quæ per tristitia temporum, quibus vi-  
xit, evenerunt, inque domesticis calamitatibus, quæ non de-  
suerunt



fuerunt, æquo animo ferendis magnam constantiam semper ostendit: imprimis in ultimo morbo, qui per integrum decennium immanes dolores creavit, viresque fregit, & sensim mortem ipsam induxit. Quanti sint dolores, qui vesicam lacerant: ejusque ostium obstruunt & excretiones naturales impediunt, illi imprimis norunt, qui similibus malis affliguntur: nunquam tamen quisquā impatientiā testantia verba ab ipso audivit, sed contumacis doloris ferociā superatā semper post multā luctam invictus stetit. Varia quidē & optima medicamenta plures per annos adhibuit, & ubi levamen ex illis invenit, gratias agit Deo; cum tamen malum remedio majus esse sensim intelligeret, illa cum tædio usurpavit, & satur vitæ hujus æterna semper cogitavit. Refectus igitur sermonibus Ecclesiæ ministrorum, & CHRISTI corpore & sanguine roboratus (ô salutare & secretum, quam incredulus nescit, panaceam!) die IV. Februar. mane inter tertiam & quartam obiit, eo ipso die mensis & eadem penè hora, qua ante annos sexaginta & octo natus. Benè sit æternum animæ ipsius! Sed & nos quoque memores instantis mortis, quæ hunc quidem senem, sed non minus juvenes rapit, ita vivamus, ac si cras morituri & omnium dictorum factorumque nostrorum reddituri rationem simus. Ad mortis vero memoriam in nobis, mundi negotiis sæpe nimis immerfis, concitandam plurimum facit, si exequiis frequenter interfimus, & non minus Ecclesiæ ministrorum in eam rem collimantes conciones audiamus, quam cum piis hominibus de instante mortis hora sermones instituiamus, vivis exemplis & sarcophago præeunte fortius etiam nos moventibus. Non dubito igitur, quin & Vos, Cives Academici, frequentes adfururi sitis, dum iusta parantur seni bono, pio, industrio & de re litteraria suo modo præclare merito. Valete. P. P. in Acad. Julia XIV. Feb. MDC LXXV.

5644584